

四庫全書

集部

欽定四庫全書

燕石集卷八

元 宋槩 撰

絕句 七言

呂仙亭

物外煙霞屬勝遊  
有時長嘯海門秋  
岳陽樓上題詩了  
慚愧人間韓伯休

一約絲

張昌儀兄弟恃易之昌宗之寵所居奢  
溫有人題其門曰一約絲能得幾日絡

昌儀遽書其下云  
一日即足後禍及

清河桑少蟄拍簇曳雪牽霜不盈握西風吹落紅蓮花  
敗簾塵埃棄牆角

書宜都內人傳後

二首

痴絕廬陵不保身忽從婦口議天倫鸞臺鳳閣須眉者  
誰識當時有內人

繡帷春色久徘徊檀机傍邊說禍胎一笑詩人漫懷古  
夢中曾見內人來

朝元宮雜詩三首

延祐丙辰在汴作

飛仙堂前深草青  
葵花榴花紅重輕  
幽鳥飛來弱枝動  
泓泓殘雨夕陽明

七真殿西開小門  
此中南與書司隣  
板扉無人蝴蝶亂  
細草幽花三月春

鄭州車過雷砧砧

關

牆橋上人已行睡  
眼羞明窓紙白

驚人又是石魚聲

齊時則擊石  
魚聲甚清亮

### 送牛農師北上

玉帶河流緣蔚藍  
君家橋北我橋南  
一談忽作容易別

便是無情也不堪

武陵城西  
有玉帶河

招屈亭東酒一卮人生最苦遠別離不須更折路傍柳

君家門外青垂垂

招屈亭乃郡  
人送別之所

阿亭學書纔五經阿孫學語纔春鶯乃翁去去莫回目

外有先生內有叔

農師二子長玉亭從子  
受學次鼎孫時方二歲

### 重過江陵

渚宮春水數經過風物消沉可奈何聞得街頭耆舊說  
鯽魚翻比昔年多

南條山色翠微茫映帶江城冠楚鄉  
楊柳兩街多大宅  
好教留待段文昌

送陳亨甫如湖南

莫為功名怨別離別離何用送行詩  
沅江臘月無楊柳  
聊折梅花贈一枝

次韻賦春詞三首

象口香消冷瑞煙錦衾羅薦任朝眠  
一心要續懷春夢  
不管啼鶯繞檻前

妝樓淡月轉廊腰晴露和春浸碧桃愛品鳳簫腔未穩  
夜天空望彩雲高

嬌春楊柳暗藏鴉掩映文窓一樹花寒食清明多過了  
悄無車馬問儂家

澧陽道中春日

隔村山鳥學綿蠻夾路溪泉響珮環晴日烘人透衣暖  
不須春酒亦酡顏

別武陵諸友分韻得身字

延祐己未三月晦  
日別武陵北歸

人別江南花別春鶯鶯燕燕總傷神旗亭酒軟歌姬艷

爭奈相如是病人

予是日暴得  
腹疾不奈觴

### 別後寄友

蘭舟三日屈原亭醉出南門緩轡行柳暗河街新月上  
一場離恨不分明

### 舟中夜雨寄周子善

雨暗空江夜寂寥打篷聲似打芭蕉故人好在紗窗下  
高擁銀燈對小喬



漂母墓

南昌亭長木蘭僧進食英雄豈不能  
避紱家資消幾許  
阿婆高冢碧峻嶒

沛中

未央宮闕錦輝煌  
隆準何心戀故鄉  
直到中興守家法  
年年供頓幸南陽

晚興

紫陌歸來月魄新  
草深涼院掩柴門  
絺衣欲挂梧桐上

慚愧緇塵染樹痕

感懷

擾擾紅塵世態殊少年空殫五車書才情縱解吟春草  
畢竟京師不易居

初至都書金城坊所僦屋壁

士龍東頭士衡西長沙舞袖難旋轉豪家儘有厦連雲  
自是詩人嫌日短

張岷有云京師有兩般月日望月終請料錢嫌日長到月終房錢嫌日短

晚出都城

是年八月東之樂亭縣

金少卿八十二  
卷八  
風入秋羅半臂寒紫霞赤氣日光殷西山大是無情思  
忍送中車又出關

宿錯橋

胡來城下錯橋西神樹棲鴉迫暮啼數騎東來飲河水  
一聲羌管碧雲低

漁陽 二首

萬馬紛紛動鼓輦三郎束手翠華西向來別有銷兵策  
莫恨青閨燕子泥

小醜從渠怨忌多不知和解欲如何萬幾儘有關心處  
却辦城東熟洛河

誠夫兄寄都下雜詩五首次韻奉答

予時在樂亭縣

虎豹環宮守日旗夔龍鵠立捲班遲明良自有賡歌咏  
逢掖諸生莫獻詩

鳳吹龍箏樓上頭市中沽酒會英遊狂心似火何時遂  
定約春風賦御溝

玉皇端拱白雲鄉扣額何時上綠章威鳳祥麟都網盡

後人誰更說昭王

擁被巴童似蝟拳矮窗爐火夜深然風流張緒如楊柳  
却向荒寒度半年

碎霜斜舞下遙天透膽寒威折塞綿不似豪兒衣狐白  
讀書辛苦謾多年

憶武陵舊事

三首

咏歸亭瞰武陵溪隔岸花開雨後齊竹篠莊園春社散  
青陵村外日平西

芙蓉如妓繞橫塘一段秋容著色粧猶記周郎會心處

醒時雙陸醉時狂

周子善別墅水亭名會心處

兩袖東風臉似霞滿懷紅刺訪儂家春鶯錯唱清平調  
輸却釵頭縹蒂花

通州橋下見訣別者

二月五日風揚沙潞陽河津楊柳芽  
羣車離人泣紅頰  
搖鞭羨我能還家

三月一日雜詩四首

延祐七年

仙龍髯墮古混臺碧籞春深花自開踏白馬前雙斧鉞  
路人爭喜晉王來

苑樹雲藏紺色鴉綵樓昏鼓促沉霞分明不似瑟瑟韻

寂寞東風十萬家

國有哀則崇天門外結綵為樓別置鼓角漏壺以司晨昏嚴警備

柳簇紅橋綠霧勻羽林戈戟鎖重闌朝陽空照僂仃影  
長似東街碧樹身

舊時甕城野櫻桃隈隅弄日晴樹高遊人來往不能折  
爛醉來時玩碧梢

李廷珪墨

神物蟠髯麝洩煤昇元曾是進蓬萊  
玄光依舊能今日  
誰信昌言已夜臺

陽關圖 二首

繫馬停車待酒闌  
驪駒歌斷不成歡  
憑誰說與圖中客  
水遠山長行路難

前春別宴武陵溪  
候館垂楊暖拂堤  
忽見畫圖疑是夢  
故人回首洞庭西



七月八日曉晴暫出麗正門外 二首

團團碧樹壓宮城，白鳳門楣淡日明。  
回首瓊華仙島上，片雲猶欲妬新晴。

曉涼門巷柳陰蟬，九陌晴泥著錦韉。  
到處簾櫳盡相似，巧棚人靜五生薦。

里俗以七夕前數日種苴麥等於小瓦器為牽牛星之神，謂之五生盆。

冬夜

紙窓如水月如冰，天際浮雲罨畫屏。  
漏板闌珊參過午，篝燈猶誦太玄經。

羣疏寫生圖

午衙太守杞菊賦朝日先生首宿盤翠釜駝峰無限美  
畫師何事畫酸寒

元夜偕二友看水燈

綠鬢相攜御輦風珠塵粉霧月朦朧水燈浮過南橋去  
卻被殘冰礙闌紅

得周子善書問京師事及賤迹以絕句十首奉

答

春王朝會大明宮祝栗魚蠻四海同至治元年調玉燭  
和風甘雨看年豐

曉日雲冠綴綵珠龍顏如玉映康衢大官門外停天駟  
羣辟翱翔侍步趨

黃流玉瓚薦馨香九廟神靈降百祥一部雲韶導仙駕  
歸來朝賀坐明堂

時皇帝初舉親祭  
之禮四方未知

至公堂下魚鱗屋麗正門前蜩殼居三百英雄來獻賦  
是中應有馬相如

至公堂會試之所四方進士來  
試南宮者率皆僦居麗正門外

瑤肝玉肺渥洼駒玄圃崑崙是坦途暫蹶霜蹄未為失

三年奮迅碧雲衢

子善昆季連與鄉貢皆不利故勉之

人海茫茫萬仞山健夫爭赴碧巖端躋攀分寸不得上

始信文場蜀道難

予亦以舊歲失舉

一念遺孤一愴然心旌無日不懸懸潞陽二月河水解

定買吳儂燕尾船

以夫兄歿於武陵姪殯在彼時予欲往視之

謝家擇壻得逸少溫嶠先酬玉鏡臺羅帳合歡猶有待

可憐孤鳳意徘徊

時予得婚家初納采

邇來吟思濁如泥今日酬君喜賦詩  
不識心忪并胆怯  
屏珠銀液竟何施

予向苦心疾  
至今遂不作

汨沒京塵度歲華  
胸中千緒亂如麻  
南風準擬揮談麈  
賸費君家木杵茶

錢聖舉山茶

丹青筆點水晶宮  
為爾寒葩染淡紅  
今日北人多見慣  
不須和雪上屏風

雪竹白頭翁橫披

二首

琅玕裊裊碧雲空  
雪綴斜梢倚北風  
丹鳳不來年歲晚  
一枝聊借白頭翁

蒼衣雪頸凍難飛  
寂寞寒梢獨自栖  
別有春明好風景  
綠楊如畫乳鶯啼

出京酬送別者

南遊湖湘

臺笠華纓洗暗塵  
都門官柳送車輪  
洛陽津吏揶揄我  
不是終軍等輩人

阿城

卷八  
掖庭咫尺失王牆庫吏奸因鼠糞揚邂逅阿城重懷古  
欲從何處弔威王

小姑賢祠

虎丘南地名小姑賢舊時民家有姑惡新婦欲織羅而去之者其小姑悉

自擊取為己過冀以悟  
母母悔而止鄉人祠之

離鸞別鵲兩沉冥腸斷廬江焦仲卿不見虎丘南畔月  
至今嘗為小姑明

舟中述懷

飯了從容瞌睡禪詩情澀似急灘船吟成欲附都人賣

又恐明時不值錢

彭澤水驛嘲淵明

循資白髮綰銅章  
明府何心解綬忙  
今日公田多十倍  
折腰兒輩亦無傷

五王博塞圖

鵲鴝飛滿萬年枝  
羯鼓聲聞博塞時  
自是開元太平事  
不曾聞有豆萁詩

賈傅祠堂 二首



絳灌纔書汗馬功  
治安策裡事無窮  
漢家未有停年格  
一歲超遷到大中

天上銀河洗甲兵  
八方風雨會咸京  
洛陽年少偏多事  
強說當時未太平

舟中聞笛

岳陽樓下隣舟一軍將醉而吹笛愛其音韻清壯命酒賞之旦求予詩遂

賦此以贈

虬鬚醉倚木蘭舟  
不識人間出塞愁  
吹散碧雲江上去  
芳洲斜日自悠悠

毛女圖

終南靈藥可成仙  
徐福空勞泛酒船  
七月輜輶鮑魚臭  
不知宮女却長年

漫成

日射金堤御水明  
楊花榆莢出宮城  
上林如錦春如畫  
却怪黃鸝不解鳴

送存初宣慰湖南十首

存初宣慰故相野仙不  
花之孫由官族入侍宿

衛出為湖南宣慰副使秩滿遷湖廣省郎中  
至治元年召簽會福院事明年拜天官至元

元年春受命湖南宣慰使時天子新政銳意  
治道開經筵留公侍講讀力辭始賜允四月  
朔啟行公幼受學先兄弘夫性識聰穎及長  
遂知好學涉獵書史作詩臨帖至於筆札硯  
墨雅好精緻棊奕射獵擊毬等事雖嘗間作  
亦視之泊如也予與之交將十年前年冬公  
特闢書室延致數月坐其下公今年三十三  
歲始生子未朞喜詩學唐有海棠曲亦得風  
致澧陽別業植梅數百本自號梅月莊主人  
厭倦世故時有隱去意以年方壯未遂詩人  
沅州校官吳陟字子高公極愛其才調欲辟  
署掾屬故并及之公名阿榮字存初國人也

太平天子開經筵側席金華引舊賢  
頓首玉皇香案底  
旌麾畢竟使飄然

綠暗紅稀出鳳城  
潞河津上酒雙瓶  
湘花湘鳥憑誰報  
早晚樓船過洞庭

甘棠舊樹幾年餘  
枝葉蔥蘢拂月衢  
長沙耆舊如相候  
先向輶車看鳳雛

碧湘如鏡嶽如屏  
賦客騷人聚德星  
況是蘇仙吟咏處  
高名從此競芳馨

金貂門第黑頭公  
五省三臺指顧中  
便擬梅花莊上隱  
不應解組太匆匆

金少隱人二  
三載王城接燕談高齋夜坐語喃喃有時共對桓伊曲  
一種清禪靜裡叅

金閨朝退暮歸時指點鉛華儘賦詩惆悵海棠花底事  
有誰題咏有誰知

青霄持節鎮湖山東閣招賢事不難若用紫薇為幕客  
常教街子報平安

花飄禁籞錦機空人別河梁酒暈紅送春已是情懷惡  
又向殘春送相公

科名自愧忝君恩  
未省何曹著此身  
遙想連花門外路  
幾時湘水共行春

早出過御溝

殘月欲落日未生  
樹根交合清水明  
翠華迢迢沙磧杳  
銅駝陌上馬聲少

駕已幸開平

唐人兩馬圖

玉山芻秣渭川波  
振刷驍騰意氣多  
政好駢趨駕黃屋  
臨危踈齧奈君何

少陵春遊圖

山崦樓臺花樹枝杜陵韋曲恣遨嬉  
畫圖省識春風面應是開元未亂時

張仲容七夕來徵詩就次韻以答

來詩云雲壓高城雨散絲

萬家秋氣入羅帷巧棚七夕喧隣里小宋明朝定有詩

鈿合紅蛛綴網絲玉兒瓜果設香帷  
從來天上張公子解試梧桐一葉詩

聞蟬

昨日流鶯今日蟬無端世故苦相煎  
長安多少封侯骨  
雨打風吹過少年

龔秀才還臨江

二首

江上春波烟霧昏江南遊子怨銷魂  
五侯池館歌鐘沸  
爭信麻衣憶故園

烟霞銅疾是誰醫來到都門幾許時  
莫待蜀禽啼血叫  
薜蘿猿鳥怨歸期

送成都何巖亮二首

由提學雲南乘傳過  
家為父慶八十壽



金史卷八  
卷八  
雲頂差我蛇陣長錦江春日淡無光老翁白髮升平世  
閒倚東風看海棠

樹迷雲棧路間關詩禮庭闈夢寐還五色衣裳千歲酒  
馬蹄仍度點蒼山

省郎王景星僦居鐘樓之東頗有幽趣遂號市

莊主人 二首

樊川別業輞川莊摩詰才情小杜狂聞說當年多勝事  
却憐官職苦相妨

佳樹名花總是春  
畫簾遙隔軟紅塵  
池臺政賴閒粧點  
惟欠林邊學吠人

看雲樓

昨日笙歌今日塵  
交情反覆世情新  
山中態度能多少  
辛苦長安陌上人

聽雨樓

陳存翁

侵窓度竹復臨池  
絕勝瀟湘夜半時  
客邸十年聽不足  
可能今日重題詩

夜下新安驛寄家

館伴安南國使還鄂

河流如箭棹如飛  
星漢垂光月漸西  
回首曲廊微步處  
文明門上夜烏啼

晚泊維揚驛

二首

驛牆紅樹晚蕭蕭  
解勸征人駐畫橈  
擬辦青樓狂載酒  
月明何處玉人簫

朱軒翠館鬱岩薨  
幾處笙歌幾處橋  
怪得隔江人望見  
夜深燈火似元宵

江上棹歌五首

采石舟中作以相長年三老且以慰使云

日南使人朝貢來東觀校書遠送回長江無波風伯喜  
不須銅鉦苦相催

江邊日出便解舟輕帆經過烈山頭我儂一日還到驛

你儂何日到邕州

邕州與安南接境故南使以到為大成港之上采石之下江心有山名烈

山

遠人莫愁行路難故鄉萬里應須還明朝得風到池口  
回首不見蛾眉山

象奴晚泊賣象梳金錢賣得相謹呼大信有肉采石酒

何不多買犒棹夫

大信市猪頭甚佳采石出美酒舟人有大信猪頭采石酒之語

荻花蕭蕭江月明十舟齊發棹歌聲但有五兩好風信  
莫為離別動鄉情

寄張仲容

四首

穀窓昨日君辭婦白駒今朝我別家馬御僕夫都見慣  
莫教閨夢到天涯

城南城北渺風烟一度論文月再圓腸斷而今更愁絕

蓬萊雲隔楚江天

仲容時以禮曹掾接漕舟在海上先予一日出都素與予契誼甚厚雖同

居京師然各以塵事稀復接見嘗謂小別離欲賦一詩此篇首二句小別離詩起句也今足成之

風流多病漢文園玉樹森森瘦可憐夢裡若逢徐福問

仙家何藥得長年

仲容素苦吟清臞別時又病作

有情誰解不相思羅幌風乾葉落時莫問離愁有多少  
君歸猶趁菊花期

書漢津驛

九月十二日

涼月滿庭清似水匡牀無寐苦難勝閨人不見羈人況

金匱山房詩集 卷八  
落葉橫窓蛾撲燈

甄氏墳園春露亭 二首

白楊如柱草如茵  
湛玉零珠苦愴神  
況是清明風雨惡  
可能無淚濕衣巾

軒楹錯采對泉宮  
菽水庭闈在眼中  
別有孤丘漆燈滅  
寧馨何處哭秋風

鄱陽蕭性淵能鼓琴琴號霜鐘是其曾大父宋

南渡時所畜者其家上世善琴云 二首

池臺腸斷雍門周  
艮嶽繁華逐水流  
往事寥寥君不見  
金仙垂泣渭城秋

不似琵琶不似箏  
鯨音歷歷似秋清  
龜年流落江潭外  
誰識秦聲與楚聲

柯敬仲持其迺尊山齋翁遺訓詩求跋

太傅當年自教兒  
唾壺談麈亦吾師  
蓼莪流落玄扃下  
不見音容只見詩

徐氏致爽齋圖

取柱笏西山之義



陰霾蕩盡曉無霞  
秋氣蕭森山氣佳  
萬戶千門城闕裡  
不知空翠落誰家

送章生還江陵 三首

六尺身軀二十強  
長安索米日倉皇  
多應夢裏還家樂  
菜市街頭春酒香

荆門驛路草萋萋  
郢樹連雲曉色迷  
因憶兒時賞心處  
女貞楊柳夾濠堤

南國相知音信疎  
暮雲春樹渺愁予  
東風解辦含情句

代作長江雙鯉魚

秋江小景

霜落吳江息暮濤  
荻蘆花葉冷蕭騷  
山林真隱今誰在  
畫裡漁舟亦自高

趙集賢致政

二首

集賢學士鬢雙皤  
少日軒車意氣多  
有口惟稱老耄語  
向人不曉缺壺歌

酒滿清尊花滿叢  
高年樂事政無窮  
近來好語君休報

驚動林間矍鑠翁

時有新令官至  
七十不致仕

送同年王在中編修代祀西行

六首

宮雲擁節下青冥巨岳通川草木榮  
傳語詞官休祕祝  
漢王深意在蒼生

銀盞天香出帝都春衣綵絮馬連蹕  
城南關吏爭來認  
曾向當年見棄繻

繚鑣席帽杏園春五見宮花照路塵  
今日分攜重惆悵  
順承門外草如茵

嬌兒文祿語初鶯內子閒閨數驛程自是曲江春酒重

不堪芳樾聽鶉聲

在中長安人

同年折桂復同官同巷衡門指顧間縱是薄情詩興澀  
可能無句到陽關

蜀山秦樹碧相連鳥道花開三月天馬上從來詩句好  
定應多費薛濤箋

街柳為暴風所折謾賦絕句

粧點官街能幾春經行常羨綠陰勻隣翁只怪南風惡

不道年來蠹滿身

城南小雨

官街楊柳綠參差  
花外危亭俯路岐  
物色宜人總依舊  
天陰不似去年時

送曹義省親新淦

親在江南子在都  
擔簦戲綵事難俱  
寧馨學業今如此  
郎罷還教食肉無

詹事府承宣使方君恕還岳陽

四首

銀榜宮前近識君當時悔不早知聞相逢未盡忘形話  
又逐燕鴻度冥雲

古來詞客不勝愁感慨悲歌謾白頭君若到家無事日  
等閒莫上岳陽樓

臘酒濃斟白玉卮寒梅香綴碧苔枝知君不作京華夢  
睡到山城日出時

江南才子總知名久別煩君為寄聲說道頭顱將四十  
髭鬚先白兩三莖

送李文清之官八番宣慰司幕府 三首

馬諳舊路不崎嶇  
草色新袍是故吾  
山鳥山花總相識  
莫將詩句詠嫺隅

西南邊徼渺烟霞  
星土列疆道正賒  
羈思宦情應等爾  
錦城雖樂不如家

武昌門外柳如絲  
曾見吳儂笑咏時  
張緒而今漸憔悴  
定應不似昔年枝

送謝德潤還澧州 二首

通濟橋頭楊柳枝  
涪陽極浦漾金絲  
驚見昔年題柱客  
歸來白髮照漣漪

征鞍遠過孫王渡  
稚子迎門喜氣多  
烟水雲山一杯酒  
拂衣歸去興如何

春雲出岫圖

石根騰起氣如饌  
擘絮成衣布置勻  
態度不須空藹藹  
東臯愁殺耦耕人

大名于景初家屋梁燕巢偶壞以懸匏代之因



墮雛其中燕竟不他適來往其家凡六年異

而求詩 二首

春秋來去不相安王謝恩深往復還盛事他年君看取  
蛇啣明月雀啣環

暮宿懸匏畫出飛笑他辛苦杏花泥隣家竈突多炎上  
猶自雙雙得意棲

送張尚德還長沙 四首

聞君家住古長沙吳楚川途萬里賒九衢夏木皆塵土

歸棹惟應看藕花

江山風露夜淒清散入心脾爽氣生重來寫作金聲賦  
莫向時人鳴不平

楓林水驛舊留連小小歌謠四五篇煩君說向沙鷗道

今日才情減昔年

泰定乙丑秋予以館伴安南回使宿  
荻港驛賦棹歌數闋題壁上尚德嘗

見之及來京師  
往往對人傳誦

洞庭如海山如黛疇昔扁舟數往還今日因君倍惆悵

功名無味釣槎閒

送劉克讓歸汴中三首

名天扶由河南鄉貢中第竟以便養辭館閣之

職除濟寧錄

事須次覲省

梁園詞客卯金刀五十人中賦手高却是鄒枚有神授

他州解送敢爭豪

會試第二  
名授館賦

苑牆霏雨拂春旌興聖宮前曉唱名聞道明經傳奕葉

寧馨今日被恩榮

時久旱始雨興聖宮唱名自此舉始

玉樹瀛洲總列仙徒勞州縣亦堪憐趨庭不羨長安樂

還上河津畫鷁船

送翰林編修趙宗吉秦蜀降香便道覲省

二首

九重端拱不時巡  
宣室齋心禮百神  
奠璧沉牛唯遣使  
東封西祀肯勞民

錦衣玉節照皇都  
紫陌春風拂傳車  
行役不須愁萬里  
過家能似漢相如

和省郎杜德常清明三絕兼柬王君實藝林

開門景物苦無涯  
柳拂青絲杏襯霞  
醞藉仙郎誰得似  
官曹常對紫薇花

金少卿集卷八  
春閨無事不聞雞睡起朝陽樹影西盡道陌頭寒食好  
賣花聲裡有鶯啼

赤闌橋瞰花溪過白板扉臨柳岸開最好苑牆東畔路  
可人何事不頻來

送湖州李教授之官 二首

軟紅塵裡換青衫彈鋏歌殘策去驂不用臨岐重惆悵  
落花迎棹過江南

筆翰超然松雪仙丹青已矣雪溪箋高齋應有橫經暇

品畫臨書亦自賢

羣魚龜蟹圖

紫蟹玄龜素鬣魚悠揚作隊出菰蒲吳中餓殍須南食  
腸斷腥風是畫圖

送新安王元成赴遼陽教官

二首

三月邊城未見花榆關盡處草連沙舉頭只見長安日  
忘却江東是故家

聞道東人樂事并舞姬酬錦曲酬綾廣文別有詩書味

自分臯比冷似氷

揆初堂

關中某氏永感之後壽日避客之所

二十年前具慶時彩衣歌吹進瓊卮而今亦有如澠酒

自顧微軀欲奉誰

堯民圖

詩謠人物接康衢和氣氤氲溢八區日晷悠悠纔過午

周人酒誥漢人醑

燕石集卷八

欽定四庫全書

集部

燕石集卷十九

詳校官編修臣曹錫齡

中書<sub>臣</sub>劉源溥覆勘

覆校官編修臣吳壽昌

校對官學正臣卜維吉

謄錄監生臣劉本立



欽定四庫全書

燕石集卷九

元宋聚撰

絕句

十言

送王君實西臺御史

十首

鳳城雪霽收燈後  
烏府風清奏牘餘  
道路行人傳好語

藝文學士拜新除

折桂蟾宮近十年  
品流第一冠羣仙  
頌臺藏室遨遊遍

御史分司又占先

甲子省元秘書  
郎太常博士

一代才華百事堪祥麟威鳳木梗柎願攜雲閣修書筆

移向惠文冠後簪

預修經世大典

樊川韋曲稱閒情卉木林泉畫不成畢竟高明挂霄漢  
終南峻嶺渭流清

魯郭原頭纔拜掃雙清亭上罷吟哦黃塵發軔關河路  
奈此騷人標致何

十二官街踏雪泥歸來門巷晚淒迷故人忽報明朝去

橫玉一聲春日低

江東日暮碧雲陰前月絨書錦鯉沉渭北春天多綠樹

又從何處覓喬林

時蘇伯修南臺方赴上

同年分袂不通書隴嶠巴川星散居驄馬經行能問訊  
定應投刺不躊躇

生長何曾出帝城馬蹄一旦赴咸京子長遊覽文章健  
張掖滇池在此行

芙蓉秋水錦生花叢獻風流是故家誰敢持鱸叩廳閣  
多應判牒走龍蛇

送王伯修內翰奉母之官南臺御史

六首

馮驩時動劍謠聲忽聽乘驄建業行  
侍御雖然曾識面  
臺端共說舊聞名

今代鑿坡匠手閒故教持斧出江關  
多應湖海頻移節  
敢望君王早賜環

九重天子恩如海雷雨斯須徧八荒  
南土不寒多草木  
却愁無地著秋霜

無悰莫飲采石酒有耳休聽商女歌  
攬轡歸來無一事

蔣山高處看烟蘿

漳河潞河水悠悠夫君去上沙棠舟承顏無復別親苦  
分袂但增知己愁

伯修思子馬如飛兼善攜家棹且遲邂逅故人煩寄語

故人揮麈日評詩

時二家皆  
召赴內臺

渡濟河馬上初見近城諸山

華山高聳鵲山東一帶烟霏翠接空安石從來多雅興

卻如新婦閉車中

中秋與呂仲實清話憶溉之李內翰不見

大明湖上水涵天  
月色偏宜李謫仙  
應笑吾曹殺風景  
碧桐窓下對燈眠

和州孝子黃鉞父病癰篤孝子醺願減年以益  
父壽果再生十年

上帝高居虎豹關  
塵寰螻蟻敢相干  
寧馨別有延年術  
一寸靈臺九轉丹

冬日雜詩  
五首

暗塵駕馬夕陽酣凍路凌兢思不堪徒行知捷徑

踏水時過象坊南

時予右臂疾未愈

金水橋西沙路低東來翠幃與橋齊不知夫婿何官職  
後擁前驅過曲堤

下床指直難結帶出戶舌卷深入喉共羨將軍能出獵  
党家帳裡不風流

金闕銀宮上帝居綠章封事達雲衢曉來官吏傳相告

明日放生仍斷屠

時崇真萬壽宮為雨朝大作黃錄醮

掃除愁恨惟應酒陶寫襟靈僅有詩四十頭顱只如此  
可能心事及遊絲

過海子觀浴象

四蹄如柱鼻垂雲踏碎春泥亂水紋  
鷓鴣鵲好風景一時驚散不成羣

送趙伯常淮西憲副

六首

十年前是紫微郎伴我書聲隔粉牆  
今日繡衣持斧去冲冠毛髮半秋霜

至治三年趙為中書  
掾予為童子師其却



元龍湖海舊襟期  
叔度汪洋萬頃陂  
知君不作婣婣態  
擬見澄清報盛時

天北天南賦遠遊  
合肥城下理松楸  
多應夢見還家樂

無復眉攢去國愁

趙先為南臺御史巡歷海南召為左司都事分司上都今以清貧求出故

有是命父母  
皆葬廬州

常日相陪散馬蹄  
官曹同事鳳城西  
別來應憶太禧白

醉後仍須烏迭泥

趙為太禧宗裡經參議予為照磨太禧白酒名烏迭泥去疾即孩兒茶酒

後嗜  
含之

明月清風赤壁磯八公山色照漣漪  
輶車使者多清致攬轡經行合有詩

春來幾度送華輶芳草多情柳亦愁  
不惜裁詩寫離恨道傍只恐鬼揶揄

河東郭從讓友于堂

金昆玉季儘優游學似椿津共白頭  
總為隋家賢吏部讀書不問駕車牛

萬戶侯李通敏祠堂

猿臂將軍金虎符尋常氣壓萬熊羆而今廟貌開生面  
猶似轅門按湛盧

李文愿自號寓盤

茂樹清泉樂意深當年祇有一知音却憐千古河陽月  
幾照令人慕蘭心

送張克寧赴淮東憲掾

讀律由來可致身十年烏府氣無倫明朝奉檄淮南去  
多少芳年惜後塵

神鳳琴

修太原李公遜所藏唐雷恒製宋建隆重

絕響朝陽瑞世鳴  
喧啾百鳥謾關情  
却憑千古絲桐在  
傳得岐山一樣聲

浴罷

九月七日平江作南使江浙之行

黃華街市雨珊珊  
磴滑橋危馬足難  
催喚小胥供祝版  
吳歛坊下振衣還

姑蘇即事

二首

南北東西盡舫通  
賣魚輸稻不愁風  
隣人使北歸來說

車馬京塵十丈紅

娃兒十五瘦腰肢  
眼角紅粧淺淡施  
聞道阿孃將典却  
揭簾催喚買燕支

平望驛和王伯循芙蓉韻

都門暑雨別匆匆  
尊酒論文久不重  
却憶蓬萊雲起處  
如舟亭下看芙蓉

曉發皂林驛

萬壽山前旭日鮮  
琅玕無數映清漣  
吳兒笑我殺風景

馬上驅馳不坐船

長安驛道中觀芙蓉寄嘲伯循

玉溪橋畔淡朝霞  
照景紅粧泣露華  
說似分司才御史  
水邊花勝驛中花

一錢太守祠

劉寵

山中父老感承宣  
五馬高情亦自賢  
一樣青銅成肉好  
後來多是捋鬚錢

上虞山行值雨馬上口占

山腰雲掩翠光微  
遠見雲濃近見稀  
對景漫思高彥敬  
懷人常憶米元暉

上虞山行曉霜

略約凝霜曉不乾  
竟無人跡白漫漫  
馬蹄踏破鉛華色  
得似鴛鴦瓦上看

嵊縣道中

一徑蜿蜒萬壑遮  
良田美樹襯烟霞  
明時不作秦人避  
欲占膏腴別起家

過鴈蕩不見李五峯隱君

鴈蕩山高不可攀  
松巢竹塢白雲端  
題詩爲報經行客  
莫作尋常少室看

石溪驛候伯循不至

古來元白似金蘭  
誰道風標不可攀  
驛騎飛來問驄馬  
計程應是在鉛山

深青早發比明至柳陽橋戲賦

檳榔嚼罷復含姜  
月落松明馬首香

闕

匆匆聞禁漏



宿醒初解對殘粧

寒食拜掃盤桓南城親友家書所聞見俚歌十

首

北城繁華撥不開  
南城盡是廢池臺  
看花君子頗解事  
不笑南城似冷灰

南城宦家有孤兒  
華裾寶馬日遨嬉  
羣奴豪酣賣丘木

身在醉鄉猶未知

招賢鄉  
劉氏事

柳村南路百泉涌  
陷車躓馬沮如深  
熒熒一僧力負土

治平聲道不成徒苦心

宜泉地卑泥濘四時不乾一僧  
誓填之功未就旋壞已數年矣

停驂惆悵聖安寺舊時輪奐想翬飛前朝已落王承福

後堂空祀李宸妃

寺亡金  
所建

街頭父老髮垂肩拄杖支頤話可憐粗糲不甜寒具小

風光那似十年前

貴人池沼多魚鱉好佛經年不殺生惡少家奴苦相負

時時鈎擲恣煎烹

太禧院使圖沁特穆爾別宅在豐宜  
門內街東宅有池可十數畝予嘗屢

至篇中事得  
之於其家人

故都空有廢殘城天歷人家學避兵今日街衢却依舊

柵門全毀塹填平

天歷戊辰冬北兵迫蘆溝河南城民家嘗樹柵決塹以自衛

曉攜兒姪拜先龍常恐重來徑路迷馬上舉鞭頻指示

石碑東畔綠楊西

時兄子殯將補外

楊柳蕭條花樹稀風光畢竟屬春時更過幾日來相賞

杜宇聲催綠滿枝

醉人馳驟紫叱撥遊女搖曳雙秋千爭笑書生常蹙額

不關名利謾華顛

四月晦日早自石橋北度安濟橋入史局馬上

口號

街樹蔥蘢曉雨收官河相近御溝流帝城不是多塵土

直住詩人到白頭

安濟橋頗危俗呼捨命橋者是也

台州韓誠之入京赴調教授松江及歸取道彰

德展省宋丞相魏公之墓絕句三首送之

巾子峯前

闕

歲盟觀光未久去王城匆匆又省安陽墓

不負西風萬里行

前朝譜牒自流傳陵谷那知有變遷  
畫錦英靈儼千古  
多應能喜後人賢

金窠大印押班聯劍履繽紛落九天  
餐盡萬羊成餒鬼  
揪梧何處認曾玄

揭曼碩小僕鄒福頗能作詩諸名勝皆有所贈  
福也事人甚不切學詩習字欲自別不似南隣守舍兒  
輕裘肥馬通關節

送李從善之湖南醫官

衡嶺雲開去路長  
名山芝朮氣芬芳  
多因採得逢仙子

乞去聲與延年第一方

舞陽劉元亭風漪亭

南薰微度曲陂前  
鴨綠粼粼出自然  
眼底文章人不識  
却教容易入詩篇

調謝敬德麥敬存二主司口號

同爲東平鄉試考官

半生跋涉每獨往  
今得兩公皆俊才  
對榻聯鑣已經夕  
如何綉口未曾開

朝敬德口號

翰林十載擅才名  
廷試南宮數與明  
今日東行倍惆悵

重來投牒赴南城

南城大都每歲鄉試之所敬德頗重于乘馬故云

閏十二月二十七日喜雪四首

前二日平章徹里特穆爾竈南

安

趙魏燕齊無麥苗  
秋冬不雨煖塵飄  
王城一夜霏春雪  
喜氣氤氲瘳氣消

昨夜鷓鴣出鳳池  
同雲如水際天垂  
誰知六出豐登瑞

不在黃扉變理時

積禍丘山重莫蠲君恩如海聽南遷品流懸絕昌黎叟  
一樣藍關馬不前

姓名何事到金甌滄海橫流浩莫收鵠立白袍三百箇  
有誰回首望崖州

雨中馬上口號

十二官街底許寬尋常塵土晝漫漫晚來一雨春多少  
唯有垂楊最好看



送翰林應奉壽同海涯挈家覲省十首

供奉字弘毅至

順四年進士第二名輝和爾人自號  
清冰玉壺登第時寓居蓬萊真境

翰林供奉三十強前春曾是探花郎  
年來居京大不易  
走向沙頭覓去航

才情如水氣如烟  
寒露玉壺冰浸天  
北庭沙草渺何許  
江南風月故依然

巷南巷北嘆偈側  
楚山楚水去難留  
白玉堂深雲霧杳  
遲子還應八月秋

往時折得高枝桂身在蓬萊無處尋今日論交便如故  
百年詩酒百年心

攜幼入室藉文祿上堂拜母舞斑衣青綾被冷承明直  
憶著餐錢應早歸

妻兒含啼紅腐粥僕夫奈凍吉貝衣到家同作端午節  
角黍如玉江魚肥

京華塵土浩漫漫精神百倍是南還楊柳風前梳黑髮  
荷花池上洗朱顏

小季讀書飽籠餅同人對榻戲檣蒲君過揚州應北望

相思魂夢繞川途

其弟吉祥哈雅  
留京補園子生

昨朝直院舟先發供奉今晨又趣裝廣陌無人留去騎

前途有幸及歸航

時直學士歐陽  
原功先還湖湘

一日不見如三秋乃今送君作遠遊我儂猶索長安米

你儂指日到蘄州

### 夜歸即事

九衢塵土夜模糊欵段無臙不任驅聞是鳴騶忙避路

誰知惡少詐傳呼

贈長安孝義張周卿三首

世昌

堂上家公白髮垂  
隨陽鴻鴈各分飛  
當時獨有娛親志  
不羨朝衣羨彩衣

幾多豪傑出長安  
散盡黃金救急難  
得似夫君有陽報

白頭強健子能官

其子字克禮

曾同尊酒話蟬聯  
君世西秦我世燕  
慷慨固當歌義俠  
流風傳過二千年

無題

秋千架底過清明  
貴壻除官促遠行  
收拾春衣單騎去  
落花風裡暮砧鳴

三原張氏瑩望松亭

張克禮

已聞翠柏凝苦淚  
更道白楊多悲風  
時時見此霜雪幹  
終身哀思何時窮

唐人兩馬圖

出洗當年滿渭川  
四十

音枕

萬足繁雲烟畫圖  
只見風蹄

八孤負河東晉問篇

山水橫披

漁翁袖手空艤棹  
琴客攢眉欲絕弦  
惟有羣僧無俗恨  
亂山孤寺靜談禪

江浙省段照磨吉甫於予為同年友至順癸酉  
會於吳門今春書來寄近詩十餘首遂和其  
次韻張伯雨新居四絕句以答時同年呂仲  
實僉浙西憲併以東之

流水閭門畫舸橫姑蘇臺上暮雲平五年一覺吳宮夢  
珍重歸鴻肯寄聲

越水吳山未了青越調吳歛儘可聽自恨昔年騎馬過  
錢唐佳處不曾停

尋芳緩步玉津園擲果聞呼石洞猿更說公餘多樂事  
酒船撐過湧金門

葛嶺躋扳屐齒苔舊遊山鳥不相猜繡衣使者雖同調  
不許聯鑣共往來

又次韻述懷見答

搏桑日出事縱橫濁酒能澆磊塊平占籍神州將百歲  
晚風空送杜鵑聲

居庸一帶雨餘青歷鹿車聲久厭聽夢到江南舊遊處  
釣魚磯畔柳風停

菟裘無地可田園猶是栖栖擇木猿昨夜洛陽風雪甚  
袁安依舊卧衡門

虛庭羅雀砌生苔紫燕穿簾似見猜開盡碧桃凝竚久



麻姑書信幾時來

王君冕嘗於長安城東出南頭第一門之北鑿

牖穴號歸雲洞二首

門即青門廟記又名青綺門

青綺門邊有穴居窈無窓戶與階除暫時收住為霖氣  
不逐狂風謾卷舒

蒼狗白衣多變幻土屋深沉藏不散神龍有時飛汗漫  
猶可相從雨霄漢

撫州李氏種桃亭

瑤池阿母杳無蹤結實開花帳望中何似君家亭子上  
一年一度看春風

贈辛瑞卿

名居禎嘗質物于某氏私庫誤贖得玉帶金器不受而返之時人義其事

之子輕財能好義事如行道不拾遺試從人物觀此世  
有似開元貞觀時

夏日家食偶成

曉日荒荒簾影低炊烟浮動盪光衣蒼蠅大是無知物  
首着盤邊亦亂飛

順州會曹元賓尚書貽詩二絕因和其韻

巡歷京畿

東道

三十昂藏試省闈回思金榜挂名時  
府公幸遇張京兆

到處逢人說項斯

予忝科名日曹為禮部侍郎

王事那能計苦寒  
客窓燈火夜闌珊  
誰人解得尚書樂  
不戴朝冠戴道冠

十二月十五日香河偶成

朔風初定曉霜晴  
獨坐寒廳日轉盈  
怪得無人來訴訟

羽林獵騎盡還營

檀州之平谷道中口號

賑飢東道

村垣兒女可憐生  
滿髻花枝弄晚晴  
放下秋千爭見笑  
雨中騎馬過清明

豐潤縣賑饑答武孝隆文學

唐坊霖雨怨八座  
漢庭災異免三公  
古人爭解言調燮  
不識春郊發廩功

武清縣齋遣興

想像規模臨晉帖  
搜求章句記唐詩  
綠尊且喜無羣飲  
綳帙安能許自隨

三月晦日偶成

十里平原晚色低  
粉飄紅墜綠淒迷  
客中無限傷春句  
却為乘驄不敢題

病後自嘲

誰使儒冠易豸冠  
寸心萬慮死灰寒  
九衢隨例乘驄馬

闕

滿山縣解和趙伯常憲副韻

霜氣澄清日色明  
詩情橫逐曉霞生  
前驅負弩休馳驟  
自有雲山管送迎

武安堰秦氏山莊留題

錄因襄陽

清溪如玉竹如屏  
門掩苔牆犬不驚  
怪得輶車嘗小駐  
林間時有讀書聲

贈玉泉寺僧天雲

吳山錫杖楚山雲  
雲染袈裟詣縣門  
莫怪褰帷不相見

禪機深處付忘言

對月和穀城縣尹楊文載壁間韻

涼月娟娟照滿懷  
流光如水共徘徊  
持杯對影非吾事  
但許簾櫳徹夜開

夜起

攬衣開戶納微涼  
西北遙山掣電光  
但願天瓢膏未泰  
莫愁溪水沒津梁

自穀城將往山中

路入均房千里餘人傳山徑大崎嶇岵峿叱馭真男子  
何必屏間看地圖

山行值雨

山雨隨雲往返飛行時沾濕避時稀須臾馳過前岡去  
滿馬斜陽就晒衣

過均州界山宿道院

楚郵燕驛飽經過塵土風濤敗興多澗水繞階雲繞屋  
可人今夜好行窩



竹山山中太皇觀小憩道士白劉伯溫御史舊  
所題二絕句即景和寄

雨汗淋漓鬢髮蒼空山無地得蒼涼喬松老鶴聊容與  
轉覺仙家氣味長

酒泉才子氣凌雲落落清談久不聞見說松廳深處坐  
簡霜揮洒淨妖氛

伯溫名實刺  
卜河西人

劉阮入天台圖

誰知物外一山川縹緲樓臺小有天不向溪頭遇仙子

桃花流水亦悠然

秋江獨釣圖

林間二客形骸俗  
江上扁舟波浪愁  
萬里乾坤少知己  
一竿風月自優游

沙市道中二首

十里沙津綠樹涼  
長紅小白築林塘  
今年分外春光久  
四月幽花夾道香

紫椹纍纍桑柘濃  
野人生計儘從容  
林間自有催蠶鳥

不用乘騶苦勸農

謝德潤號月海

二首

三山宮闕湛無塵萬古青天白玉輪  
身世清高能爾許當年惟有泛槎人

坡仙疇昔賦赤壁萬頃秋江一葦遊  
更向東溟觀月色當時襟度復誰儔

寄京師諸公

四首

華顛戚戚苦無悰愁絕湘南六一翁  
採得宜男仍謁告

未應空學顧非熊

白玉堂前一老仙能文善飲量如川官高猶說清貧甚

乞

去聲

與田祖作酒錢

渚宮春好酒如川引領巴江眼欲穿却笑詞人殺風景  
瞿塘不敢泛樓船

月露星河共一天無由縮地謾悽然金閨莫羨江湖趣

曾涖京塵二十年

時歐陽原功有失子之悲其子在瀏陽欲歸不得謝敬德學士書來訴其

俸薄無酒資王師魯待制代祀秦蜀由棧道竟還京不得至京一會詩所以慰原功嘲敬德悵然於師魯且述

區區鄙  
懷云

次韻王伯循御史

漢江如練盡船開，負弩前驅照岸隈。却是沙鷗解相識，

綵衣人著繡衣來。

御史少時常侍觀自  
漢江沂流歸興元

宿牛首市陸叟所居二首

再錄囚襄陽

窓戶斜臨鴈汊洲，墨雲金電晚風颼。西城不用隨車雨，  
醞釀新涼學立秋。

塵染練衣雨汗流，停驂借得半窓秋。自憐不及居停主，

坐看青山到白頭

穀城縣齋留題 二首

城南筑水息波濤  
城裡青帘間樹梢  
誰信琴堂太岑寂  
承塵低處燕為巢

方沼移栽菡萏茄  
曲臺培植牡丹芽  
小山叢桂多清致  
不用河陽一縣花

舟下漢皋渡

朝辭光化水無瀧  
槌鼓揚旌下漢江  
何事舟人混南北

櫂歌不似竹枝腔

復回至利陽道中

愁見羣峰雲氣陰  
泥塗溽暑苦難任  
逢人莫問何時雨  
陌上蹄涔尺許深

宜都朝京亭四首

按部峽州

烟靄空濛江上山  
晴時不及雨時看  
沙鷗笑殺亭前客  
有底忙時不倚闌

清江水合濁江流  
聞說瀰漫燕尾洲  
想像秋風秋月下

登臨不減岳陽樓

遠近峰巒濃淡姿微茫洲渚盡圖披新詩似與江山約  
恰值幽人興到時

九華山聳此山低一樣澄清映翠微千載神交誰會得  
臨風說向謝玄暉

西北諸山稍似秋浦故云

題民安驛

枯蘆斷岸年年雪古木顏垣夜夜風自是江山入圖畫

可堪華髮道途中

戊寅庚辰皆以冬月至是驛



津市留題

烟霏空翠瞰芳洲  
楊柳依稀古渡頭  
斜日揚鞭倦行役  
自慚不及賈胡留

山南憲副拜珠太古四友亭 二首

三友條然奈歲寒  
使君雅趣共盤桓  
京塵擾擾春遊客  
不滿高人一笑看

窓外梅花照雪晴  
江城松竹更青青  
宦遊難學宜春檻  
好向行窩別築亭

贈相士西湖

淡妝濃抹固相宜  
風月才情酒共詩  
欲把芰荷都折盡  
只將清泚照鬚眉

贈相士小山

桂樹叢生猿鶴幽  
薜蘿烟月闕清愁  
白雲何處吟招隱  
我欲因君作少留

贈僧別傳

皇慶初先兄弘夫嘗假江陵城東資福禪院隙宇聚徒授章句主僧蜀人

號無瑕好讀書論文久而情好頗密時別傳實從兄學至正辛巳秋予由荆南僉憲將趣

召翰林別傳遊兩浙名山方歸以無瑕舊稿  
及名勝贈言來見別傳與予生同年弘夫兄  
卒無瑕圓寂皆已久感今懷昔令人不怡遂  
賦詩以贈予嘗以使事經溫台明越故并及  
之別傳名  
普燈○三首

鴈行零落禪牀寂回首人間二十年曾見緇衣立函丈  
不堪撫卷重悽然

越中海影接山光更著招提著色妝珍重道人多雅致  
盡收清氣入詩囊

吳越經過我亦曾溪流夜泛嶺晨登仙巖佛洞遨遊遍

却愧不如行脚僧

卷九

淮東縣屬朱子靜乃祖所得松雪困學二帖

兩公墨妙貴莫比一門祖孫世濟美紛紛惡札請托猥  
覆瓿無蹤祇愧死

白子芳瓶梅結實

無為君以文獻故家清慎通貴矣子芳讀書溫裕克承世

澤有引無替此華而實實而復華生生不息之人象賢之義祥異昭昭假物以顯宜哉豈直著其孝也始予至順間識無為君京師後至元戊寅予備位六察按部河南會于荆門去歲始聞薨逝感念存歿因賦小詩二首以系之君名湛字李清

蒙惠泉頭歲暮時相逢云已及瓜期捐金築埭功難就

贏得州民死後思

公守荆門嘗鑿河置壩埭以通舟楫會受代不克畢工歲餘殁于州蒙惠

泉在州治西里許

詩書門第寧馨兒夢寐音容守總帷物外春風幾千歲  
瓶花常見子纍纍

墨梅 為李華遠作

風香月影雪肌膚朔客晴窓看畫圖江北江南數千里  
夢魂何處覓西湖

晨入太學即事口號

攬衣忙起到齋鐘天際初陽照面紅  
不是羸驂鞭不進駝車一行截街東

胄監東廳口號

北窓桂影對晴空簾幙虛明爽氣通  
綠樹正宜留永日黃埃莫遣漲飄風

孫隱居春洲圖 三首

河豚初貴荻芽生洲上高人曳杖行  
誰識靜中觀物理

長空淡淡大江橫

幅巾野服楚江干  
胸次雲夢眼界寬  
久矣忘機對鷗鳥  
不須遮日望長安

杜若香中水沒篙  
沙平草軟恣遊遨  
江湖真隱今誰在  
畫裡衣冠亦自高

贈談三命碧嶠

蓬萊方丈屹相通  
掀舉神鰲接太空  
人海不如雲海濶  
茫茫誰識李虛中

贈葉仲輿

名衡至大皇慶間嘗從承旨姚文公游及與先兄正獻公友善

三月皇都偶遇君袖攜詩卷見情親  
玉堂仙去難兄逝流水殘花亦愴神

送宣城羅教授赴攸州

吞鳳文章老益奇杏壇深處擁臯比  
湘南山水江東樹洗盡京塵總是詩

潘雲谷獻所製墨見天子于上京慈仁殿以詩

贈之歸江南



一寸龍江一寸金  
布衣持進五雲深  
文房自幸非常遇  
惆悵長楊獻賦心

六月三日寄籲

至正乙酉時在上京

窓後紅芳旭日明  
堂前綠樹晚風清  
白頭竟被虛名誤  
夢見兒曹笑語聲

贈吏部尚書羅羅士安

紫薇花底退朝遲  
馬上相逢共說詩  
幾度訪君多不見  
北窓開徹晚荼蘼

詐馬宴

上京作

寶馬珠衣樂事深，只宜晴景不宜陰。  
西僧解禁連朝雨，清曉傳宣趣賜金。

寄南臺治書廉公亮

公亮幼學于金陵，登科後  
歆歷省臺，嘗為南臺幕長。

今又拜是職  
作詩賀之

五花驄馬擁旌幢，霜氣橫秋肅楚江。  
鍾阜秦淮日來往，光輝應照舊書窓。

天香第一亭三首

汪叔志先塋在涇縣方壺村  
墓亭有古桂，延祐間汪權乙

科遂名亭

天香第一

松楸深擁若堂封仙樹婆娑八月風  
奕葉兒孫高處折人間別有廣寒宮

世傳佳木姓名偕召伯甘棠王氏槐  
記取汪墳蒼桂樹文科應兆不相乖

天上飄香雲外過青冥風露挹仙柯  
文章自有流芳理不用長安郭橐駝

燕石集卷九

欽定四庫全書

燕石集卷十

元 宋 聚 撰

絕句 六言

月夜渡淮

玉局翁赤壁岸錦袍仙采石磯千古詞人高致一般秋  
月清輝

陳南仲幼失母尋至永豐逆旅得見

及泉忍聞誓母厯郡乃見尋親借問永豐逆旅何如穎

谷封人

送校官蕭性淵赴上豐城市巡徽官二首

和林

學正能鼓琴  
琴號霜鐘

儒冠暫易武弁漠北徑去江南借問龍庭風雪何如山

市晴嵐

絕句曾聞李涉悲如常愛劉琨自鼓霜鐘一操羣盜不

怕橐鞬

山行即事

山雲容易作雨巖瀑取次成川石潤猶開水磴林霏僅有炊烟

調吳正傳博士吳方為柳道傳撰墓誌

詞苑老臣遺世成均故友知音陳壽何嘗得米劉乂且欲分金

江叔志司業堪老園

四首

先生儘會婆婆文苑故老無多去志任思泉石歸夢枉到松蘿

老子垂止足戒將軍存矍鑠心南山有三徑菊東都無  
二疏金

故園之樂何如大勝金馬石渠田頭有秫釀酒朝中無  
客通書

老我菟裘何地半世雨梗風萍後日拏舟相訪還須許  
作園丁

近體樂府

滿庭芳

汴中寒食



雨意惜惜養花天氣賣錫何處春簫清明上巳車馬正  
連朝對酒唱歸時多忘惜花心醉後偏饒凝雲暮青樓  
簾捲幾度對魂銷無聊空悵望東闌雪勝北郭香飄  
夢江南行樂水遠山遙深院宇綠窓啼鳥明寒食寶月  
良宵秋千外柳風柔小無力著春嬌

二 寒食傷先兄正獻公

魂黯雲山淚零風野轉頭三度清明感今懷舊何事不  
傷情文史共梁園書几臬廬對湓浦燈檠經行處洞庭

彭蠡同載赴瑤京 才名人盡羨朝家大宋陸氏難兄

但駕駘小季少後鵬程丹桂樹何論高下紫荊花早變

枯榮微衷苦亂峰如樹幽恨幾時平

正獻公與予嘗同寓汴中朝元宮一

年又嘗客九江值除夕共博而守歲後同歸京師赴舉

穆護砂 燭淚

底事蘭心苦便淒然泣下如雨倚金臺獨立搵香無主  
腸斷封家相妬亂撲簌驪珠愁有許向卜夜銅盤傾注  
便不似紅冰綴頰也濕透仙人烟樹羅綺筵前海棠花

下淫淫嘗怕鳳脂枯比雒陽年少江州司馬多少定誰如  
照破別離心緒學人生有情酸楚想洞房佳會而今寥  
落誰能暗收玉筯算只有金釵曾巧補輕濕盡粉痕如故  
愁思減舞腰纖細清血盡媚臉膚腴又恐嬌羞絳紗籠却  
綠窓伴我檢詩書更休教隣壁偷窺幽蘭啼曉露

木蘭花慢

題蛾眉亭

喚山靈一問螺子黛是誰供畫婉孌雙蛾蟬聯八字雨  
淚烟濃澄江蟬娟玉鏡儘朝朝暮暮照嬌容只爲古今

陳迹幾回愁損渠儂 千年顰蹙謾情鍾慘綠帶雲封

憶賞月天仙然犀老將此恨難窮持杯與山爲壽便展

開修翠恣踈慵要似絳仙無媚更須嵐靄空濛

吳絳仙  
煬帝宮

人鳳舸殿脚  
女善作眉嫵

望海潮

海子岸暮歸金城坊

山舍烟素波明霞綺西風太液池頭馬似游龍車如流  
水歸人何暇夷猶叢薄擁金溝更蕭蕭宮樹調弄新秋  
千里烟波幾雙鷗鷺兩漁舟 暮雲樓閣深幽政砧杵

丁東絃管啁啾淡淡星河熒熒燈火一時清景難酬馬  
上試冥搜填入耆卿譜模寫風流明日重來柳下攜酒  
教名謳

人月圓

中秋小酌

紅螺香灩金莖露清興溢璇霄玉盤光冷雲鬟霧濕丹  
闕烟消 此生此夜明年明月何似今宵西風喚我瑤  
階折桂綺檻吹簫

二

誠夫兄生子名京華兒

神州佳麗明光錦生出玉麒麟四遙都愛西山眉翠太  
液瞳人 他年應是鬪鷄走馬紫陌紅塵這回休更燕  
秦樹粟江浦垂綸

菩薩蠻

送遼西憲孫掾還司延祐己未樂亭縣作

紫髯如戟霜臺掾風生采筆來行縣邂逅海天涯盍簪  
能幾時 柳梢春尚冷無物堪持贈爲謝幕中蓮殷勤

寄短篇

許可用時  
在憲幕

二 丹陽道中

西風落日丹陽道竹岡松阪相環抱何處最多情練湖  
秋水明驛城那憚遠佳句初開卷寒鴈任相呼羈愁  
一點無

三 衛州道中至元四年十月與巴爾斯布哈御  
史同行按行河南四道

兩歧流水清如酒草根風颺冰皮皺雪淨太行青聯鑣  
看盡屏按行多雅致解起澄清志回首五雲天東華  
塵似烟

四 偃師道中

北邙古塚紛無數崔嵬羅列成山阜何處斷碑橫無人  
知姓名 今墳如蟻垤回首成磨滅今古兩堪哀停驂  
酌綠苔

春從天上來

壽張惟健五月十六日

帝勅朱明擁丹穴仙離表瑞升平天上公子齊岱精英  
玉樹照映神京渺翩翩紈袴有誰似間氣玄成妙才情  
擅鍾王筆意韋杜詩聲 薰風黑頭初度笑時世紛紜  
舞雪歌鶯燕子簾櫳葵榴庭院天壤至樂難名邈軒裳



奕世青雲步紫綬華纓八千齡看緇衣父子赤舄公卿

自號至

樂齋

二 至元六年庚辰元日立春將為山南僉憲按部至應城縣作此詞奉寄許可用大參陳景

議憲

副

旭日暎暎爛春餅堆盤壽酒盈尊玉帛交錯襟佩翩翩  
想像虎豹天門靄蓬萊雲氣布淑景漸遍乾坤黯銷魂  
杳洋洋韶濩赴赴橐籥 升平萬方元會念去國孤懷  
盛事誰論黃閣儒臣烏臺舊客曾是執法調元望蒲騷

小邑纔咫尺寂寞山村撫嬋娟料梅邊傾倒回拜天恩

賀新涼

壽劉時中五月廿又八日

繡陌經新雨致升平五絃琴裡薰風吹戶夏館深沉晨  
容好寶鼎紅雲香霧還又是逋仙初度疇昔驂鸞騎赤  
鳳遡西清佳致凌霄步天壤外快豪舉 遨遊又作湖  
山主百千回笑談詩酒盤桓容與未信星星能侵鬢青  
鏡流年如許畢竟到廣寒天府多少文章真事業鶴南  
飛自媿無佳語絃寶瑟勸霞醕

二 徐復初池亭聽雨軒至治辛酉時予將之湖  
南

銀竹能宮羽向荷盤跳珠膈膊花奴羯鼓瀏瀏泠泠春  
泉瀉滴盡槽頭香醕愛薇外遺音太古暗度松筠時淅  
瀝恍吳娃低枕傳私語君試聽有佳趣 主人未解離  
愁苦對涼秋芭蕉巨葉梧桐高樹夢斷羅裙天如漆一  
寸鄉心淒楚點點是寂寥情緒明日孤舟成獨往更難  
堪長夜瀟湘浦憑曲檻且容與

虞美人

寄壽周子善二月十一日

暖風金鼎香醪醑想像人如玉天南地北兩心期爾汝  
忘形如願定何時夫君政似章臺柳壽相人稀有吟  
餘時復飲丹砂何必求仙遠訪稚川家

武陵城中有丹砂井里又相傳

飲之者壽周武陵人也

二 福州北還雨中觀梅

十年久共梅花別乍見殊佳絕臘前風景雨中天翠竹  
青松恰好映清妍繁枝開遍香成陣觸目忘離恨玉  
人誰使似冰肌酒罷歌闌一向又相思

綠頭鴨

送張仲容過維揚復之錢塘結婚正月二十日出京是其壽日也

緩搖鞭銷魂橋上留連恰春波鴨頭新綠倉皇便買吳  
船就華堂溶溶壽酒作繡陌草草離筵傾蓋論文分襟  
怨別春風秋月僅經年都門道紛紛輕薄餘子政堪憐  
夫君妙心期湖海意氣雲天便明朝拂衣徑去天涯  
幽恨無邊暮維舟沙鷗颺雪春市酒淮柳垂烟綠水迢  
迢青山隱隱浙江雲擁洞房仙對西湖烟濃雨淡少少  
占芳妍歸來好扶搖九萬水擊三千

婆羅門引

江上晚泊望月

短衣烏帽京塵眯目強鑽頭夢中八表神遊今日江山  
佳處便欲賈胡留愛峯嵐滴翠天水涵秋斷霞漸收  
見隱隱兩蛾愁好在九華烟樹秋浦沙鷗相看依舊但  
憔悴潘郎俗狀羞孤負却笑傲林丘

水調歌頭

寄誠夫兄在江南作時兄在史館校讐先朝實錄

登車就長路曉日照皇州風吹紫荊花落那更別離憂  
咫尺天南地北想像雲窓霧閣人在古瀛洲粉筆校書

罷烏帽拂塵遊  
出銀臺心浩浩  
思悠悠  
人間萬事姑  
置食邑素封侯  
收拾金鑾遺事  
記取玉壺清話  
此外復  
何求  
好看鏡綠鬢  
不禁秋

蝶戀花

青田舟中

無數好山攢碧  
樹山下郵亭亭  
下牽舟路  
山色娛人相  
指顧時時又被  
灘聲妬  
寒日光陰容易  
度雲去雲來  
那更商量雨強  
把羈愁排遣去  
一尊酒盡青山暮

二

河內王幹臣號竹溪

門外紅塵溪上竹竹似琅玕溪水清如玉溪上主人情  
不俗多應每食能無肉 千載高標成倏忽六逸飄然  
君為追遐躅莫向溪邊閒濯足我知孺子歌難續

清平樂

武陵客舍小酌與田父相對酬酢聞農  
師子嘉諸人方飲他所歡甚

花臺竹塢對雨羅樽俎邂逅田翁同笑語問訊村墟禾  
黍酒徒咫尺高陽粉營狎坐飛觴一種麴生風味不  
知誰弱誰強

二 車廐道中



青松烏柏寒食來車廐滿目山明仍水秀忍聽玉驄馳

驟紅橋掩映山莊酒旂搖曳林塘好在鶯湖春色笑

人不暇飛觴

村舍酒帘書鶯湖春色蓋酒名也

如夢令

題楊補之施蓬墨梅卷中他詩有忍寒背蓬立之句

常記剡溪前度坐拓船窗窺覷棹進任舟移行盡粉香  
千樹佳趣佳趣蓬背詩人何處

浣溪沙

崑山州城西小寺晚憩

落日吳江駐畫橈招提佳處暫逍遙海風吹面酒全消

曲沼芙蓉秋的小山叢桂晚蕭蕭幾時容我夜吹  
簫

二 壽南陽周文卿八十

生長升平鶴髮翁兒郎衣彩照方瞳晨昏甘旨鳳城中  
緩步不須鳩杖策酡顏時藉蟻杯烘嬾將身世應非  
熊

三 冬日喜晴

萬瓦輕霜愛日明遊絲來往似春晴幽禽弄暖百般聲

斑竹乍翻經夏籜綠池猶泛過秋萍溪橋誰共探梅  
行

風流子

至元四年七月廿又二日蘇伯修侍郎  
舉一兒子以予同年久交且三子名梯

雲拏雲步雲者方成童就傅迺求傲吾兒制  
名遂命之曰乘雲繼微詞以紀筆賦此以贈  
兒已滿彌月矣侍郎作湯  
餅會併書呈席上諸公

紺宇瑞烟浮仙童小高舉覓真游霞綯九光徘徊若木  
日宣五色照耀瀛洲人爭睹翱翔絳闕天矯上崑丘幾  
度驂鸞蛾眉東畔有時跨鳳恒嶽南頭何事暫夷猶

儘青冥遠攬碧落奇搜不數薰香嫵媚傅粉嬌羞笑襜  
褕褕人間羊祜桑弧蓬矢地上齊州剩費通家小字  
袞袞公侯

行香子

京山道中

竹院松庭犬吠鷄鳴被田家盡出升平園林掩映鞍馬  
經行悵暮天低寒日淡曉風輕浮世浮名役使神形  
霎時間鬢變星星不憂不懼無辱無榮愛水邊漁林下  
隱隴頭耕

二 暮抵應城宿縣齋後園

榭葉風乾柏葉霜  
殷淺坡坳路逕回  
環喜投公館暫卸  
征鞍對竹蕭森松  
夭矯菊爛斑  
歲晏天寒誰共清歡  
過黃昏愁恨多端  
燭花漸暗爐火將  
殘更鴈聲哀砧聲  
急雨聲繁

減字木蘭花

憲掾黃君美弄璋援蘇伯修詩即  
例乞名其子命之曰升雲時二月

六日壽  
席醉賦

春空靄靄兒解飛  
騰窺五彩我製佳  
名異姓他年叙弟

兄我鬚白早亦願兒年如我老緩步徐行終到蓬萊  
近上層

南鄉子

觀雲

紺碧峙晴空態度分明巧不同  
樞具神君三四輩乘龍  
冠珮翱翔赴紫宮  
樓觀遠玲瓏舞鳳蹲猊刻鏤工  
一笑斜川痴老子竒峯便入南窗詩句中

二

二月廿又八日君美弄第二難仍前例名之  
曰凌雲賦此以贈

頭玉太硤硤江夏無雙世  
曹遙好是三生仙骨重叢霄

曾侍元君絳節朝  
咫尺趨扶搖直上鵬程挹斗杓他  
日揮毫能作賦飄飄學取成都駟馬橋

三

至元六年九月十四日李重山憲副壽日是  
日適臺使齋壘書獎諭風憲至山南遂大宴  
合樂重山號梅庭主人所居  
官舍即舊木犀亭久扁香宇

桂宇散秋香咫尺梅庭十月陽紅葉黃花風致好華堂  
不比尋常進壽觴  
褒詔燦龍光百丈蒼官百丈霜信  
是天恩寬似海徜徉就趁笙歌入醉鄉

踏莎行

早春景陵道中兼句陰雨

野燒回青溪梅褪粉路傍新柳驚黃嫩連陰未放碧波  
明峭寒尚阻東風信 伊軋肩輿飄蕭蓬鬢病餘懷抱  
無風韻彩牋何暇寫閒情綠尊無分排孤悶

點絳脣

沔陽道中

澤國春生葑田青接重湖淺鴛鴦弄暖得意烟波遠

陰遇元宵晴望花朝轉和風扇羣芳開遍應過京山縣

鷓鴣天

題應山縣城內渡蟻橋橋東東數步法興寺即二宋讀書處

十萬元駒過雨堤一雙丹鳳上天池科名已向生前定



陰德仍從暗裡窺 龍虎榜鵲鷁詩同胞同甲照當時

同宗盛事嗟微異後折蟾宮向下枝

先兄正獻公至治辛酉狀元子則泰

定甲子第三  
甲十二名

摸魚兒

至元六年二月望日登安陸白雲樓樓今爲分憲公廨城中有楚大夫宋玉故

宅與池其井名琉璃井有蘭臺故基

屹危闌郢都西北滔滔漢水南去蘭臺陳迹何從訪廢  
宅芳池凝竚愁絕處空只有琉璃簪井鼃聲聚千年遺  
緒邈白雪宮商雄風襟量恍惚可神遇 英靈在應念

諸孫鹵莽斯文微福如許蕙肴蘭藉椒漿莫屈景幽魂  
同赴驚節序却邂逅春深不識悲秋苦撫今懷古謾醉  
墨淋漓狂歌悽惋和者應無數

西江月

王伯修贈別

烏石驛中長夜小金山下新年淮堧蕭寺麥秋天十載  
三回相見今日漢南官舍光陰不得留連何時文酒  
再團圓莫待白頭皤面

燕石集卷十